

# LA SERA SPER IL LAG – ABENDS AM SEE

## LA SERA SPER IL LAG

Anna Tina Ernst (\*2007) e

Salome Gfeller (\*2006)

Pli baul in liug da sentupada,  
tut quiet e plein carezia.  
Ozildi per quell'annada  
negin liug da bellezza.

Tuts che van adina  
sper il lag cun mascrina.  
Tut ils giuvens fan canera,  
en ina buna atmosfera.

Tuts che miran sil telefonin,  
en in mund digital tut senz'inschign.  
En in auter mund els vivan,  
mo per els sezs els miran.

El grond stress da mintga di,  
crod'il lag oz gnanc pli si.  
Sch'il rustg vegn ord la palliu,  
dattan tuts in griu.

Da vacanzas grondas casas,  
eran pli baul aunc nunduvradas.  
Ozildi denton in grond success,  
quei ei in fetg grond progress.

Midau il num per il turismus,  
la natira piard'il ritmus.  
In vitg ch'era aschi ruasseivels,  
ei vegnius uss fetg custeivels.

Mirei tgei ch'ei tut semidau,  
en quels onns tut schabegiau.  
Tgei ch'il mund ha tut purtau,  
tgi che ha nus bandunau.

## LA SERA SPER IL LAG

Flurin Camathias (\*1871-†1946)

Solemn ruaus che silla riva  
d'umbriva stat il lag curclaus;  
il bi sulegl cun glisch tardiva  
davos ils cuolms ei sesbassaus.

Utschals ruaussan e cupidan,  
bufatg gl'uaul trai flad;  
encunter tschiel las flurs salidan  
cun plaids carins de pietad.

E giu da tschiel las steilas biaras  
Migeivel miran giu el stgir –  
Miu cor, miu cor tgei aunc empiaras,  
va era ti tier dulutsch durmir!